
ՍԱՍՈՒՆ ՆԱՐՈՒԹՅՈՒՆՅԱՆ

ՄԱՅՐ ԱԹՈՒԻ ՆԱՐԱԲԵՐՈՒԹՅՈՒՆՆԵՐԸ ՅԱՐԱԿԱՆ ԻՇԽԱՆՈՒԹՅՈՒՆՆԵՐԻ ՆԵՏ ԵԿԱՏԵՐԻՆԱ ՈՒՐՈՔ

Նայ-ռուսական հարաբերությունների հիմքը դրվել է դեռևս Ժ.-ԺԲ. դդ.: Այդ ժամանակաշրջանում հայ վաճառականներն առևտրով են զբաղվել մերձվոլգյան և մերձդնեպրյան քաղաքներում: Ավելի ուշ Ռուսաստանի հարավային տարածքներում ստեղծվեցին հայկական գաղթօջախներ: Դրանցից առավել հայտնի էին Մոզդոկում, Աստրախանում, Կզլարում հիմնված հայկական գաղութները:

ԺԷ. դարում Ռուսաստանը արդեն կայացած և հզոր պետություն էր և մեծ հեղափոխություն էր փածում արևելյան երկրների նկատմամբ: Այդ հեղափոխությունից անմասն չէր նաև Նայաստանը: Փաստորեն, իրական շարժառիթ էր ստեղծվում, որպեսզի ռուսական կայսրության օժանդակությամբ ազատագրվեր Նայաստանը օսմաների լծից:

Առաջին լուրջ քայլը Ռուսաստանի հետ հարաբերություններ ստեղծելու ուղղությամբ արվեց ԺԷ. դարի յոթանասունական թվականներին: Գանձասարի Պեյրոս Կաթողիկոսը (1653-1675 թթ.) հատուկ ուղերձով դիմում է Ալեքսեյ Միխայիլովիչ (1645-1676 թթ.) ցարին և խնդրում, որ նա ռուսական կայսրության հովանավորության տակ առնի հայ ազգին և օգնություն ցուցաբերի, որպեսզի Նայաստանը թոթափի օսման լուծը:

ԺԸ. դարի երկրորդ կեսին ռուսական կայսրության նվաճողական նկրտումները կարծես համընկնում էին հայ ազգային ազատագրական շարժման միտումներին ու ընթացքին: Այս ժամանակաշրջանը նույնպես ծանր էր հայ ժողովրդի համար: Ազգի միակ հավաքական ներկայացուցիչը Եկեղեցին էր, որը հաճախակի էր հալածանքների ենթարկվում օսման գավառների կողմից:

1760 թ. Նայոց Կաթողիկոս Նալոբ Շամախեցին (1759-1763 թթ.) կոնդակ է հղում ցարական արքունիք, խնդրելով, որ Ռուսաստանը օգնություն ցուցաբերի հայերին ու վրացիներին «հանուն քրիստոնեության»¹: Նայրապետի ուղերձը իր հետ Պետերբուրգ է տանում վրաց արքա Թեյմուրազ II-ը (1732-1762 թթ.):

Գործողությունների նման ընթացքը ցույց է տալիս, որ ստեղծված իրավիճակը ստիպում էր հայերին ու վրացիներին գործել համատեղ. «վրացիների հետ այս գործում միաբան էին և հայերը»²:

Չնայած Կաթողիկոսի հորդորներին՝ նրա նամակը անպատասխան մնաց: Այնուամենայնիվ Նայկական հարցի ծանր ընթացքն իր վրա է վերցնում Նայ Եկեղեցին: Եւ

1 Լեո, Երկերի ժողովածու, հ. 3, գիրք 2, Երևան, 1973, էջ 276:

2 Անդ, էջ 276:

հենց դա էր պարճառը, որ այս փուլից սկսած՝ կարծես հայ ազապագրական շարժումը, ինչպես Լևոն էր ասում, մարցվեց «Էջմիածնական շրջանի»³ մեջ:

Ռուսաստանի հեպ Էջմիածնի հարաբերություններն ավելի լավ դասավորվեցին Սիմեոն Ա. Երևանցու (1763-1780 թթ.) կաթողիկոսության փարիների դեռ սկզբին: Նրա բազմաձևավալ գործունեության մեջ ամենանշանավորը կարելի է համարել Ռուսաստանի հեպ ունեցած նրա հարաբերությունները: Նա շարունակեց իր նախորդի՝ Նակոր Շամախեցու սկսած գործը, որի նպատակն էր՝ բարիդրացիական հարաբերություններ հաստատել ռուսական արքունիքի հեպ և այդ հզոր պետության օգնությամբ ազապագրել հայ ժողովրդին պարսկական և թուրքական ահասարսուռ լծից: Իսկ այդ ժամանակահատվածում քաղաքական հանգամանքները կարծես ընթանում էին հօգուտ հայերի: Կայսրուհի Եկատերինա II-ը (1762-1796 թթ.), պարբերապես էր պարերագմ սկսել Թուրքիայի դեմ: Կայսրուհին կոչ արեց Անդրկովկասում և Բալկաններում ապրող քրիստոնյաներին ապստամբության ալիք բարձրացնել ընդդեմ Թուրքիայի: Եկատերինան խոստանում էր ազապագրել քրիստոնյաներին մահմեդական դաժան լծից: Պայքարին ավելի ուղղորդված ընթացք փալու համար՝ Սիմեոն Երևանցին ջանք չէր խնայում, որպեսզի Միածնաժգ փաճարը դառնար հայ ազապագրական շարժման կենտրոնը: Նրա նման հայրենասեր անհապը ծանր էր փանում այն հանգամանքը, որ իր հայրենիքը և ժողովուրդը փառապում են օտար զավթիչների իշխանության ներքո: Սպեղծված իրավիճակից դուրս գալու համար Ամենայն Հայոց Հայրապետը միջոցներ էր որոնում: Սիմեոն Երևանցին հայրենիքի ազապագրման միակ իրական ճանապարհը փնտրում էր Ռուսաստանի մեջ: Կաթողիկոսը կողմ էր այլ պետությունների միջոցով ազապագրել սեփական հայրենիքը, բայց նա կարականապես դեմ էր ներքին ազապագրական պայքարին: Պարճառն այն էր, որ լինելով հեռախուս կրոնական և քաղաքական գործիչ՝ քաջ գիտակցում էր, որ ցանկացած ներքին ընդվզման դեպքում այն դաժանորեն կճնշվեր Պարսկաստանի և Թուրքիայի կողմից, իսկ դա արդեն կարող էր աղետալի ընթացք ունենալ հեպագայի համար, անգամ Ռուսաստանի պես հզոր դաշնակցի օգնության դեպքում: Այդ պարճառով ազգային Եկեղեցու միասնությունն ամրապնդելու համար, Վեհափառը ամեն կերպ փորձում էր բարձրացնել Էջմիածնի դերը և ուժեղացնել նրա քաղաքական ու փնտրական նշանակությունը:

ԺԸ. դարի երկրորդ կեսին ռուսական կայսրությունում հայկական գաղթօջախների հոգևոր կյանքը գրնվում էր ոչ բարվոք վիճակում: Մայր Աթոռը կարծես կորցրել էր իրավասությունը Ռուսաստանի հայկական թեմերի հանդեպ: Այդ թեմերն իրենց բողոքի ալիքն էին բարձրացրել Մայր Աթոռի նկատմամբ դեռես Ղազար Ջահկեցի (1737-1751 թթ.) Կաթողիկոսի գահակալության փարիներին:

1749 թ. ռուսաստանաբնակ հայերն իրենց հոգևոր առաջնորդ են ընտրում Գանճասարի աթոռին ենթակա մի եպիսկոպոսի՝ Սրբեփանոս անունով: Այսպիսով, Էջմիածինը կարծես կորցրեց իր արքունությունները ռուսահայ թեմերի նկատմամբ: Պարճառն այն

3 Անդ, էջ 278:

Էր, որ մինչ այդ, Էջմիածնի կողմից լիազորված Բարսեղ եպիսկոպոսը՝ ծանր և դժկամ բնավորությամբ, իր դեմ էր փրամադրել Կրեդի հայերին: Վերջիններս իրենց բողոքն են հայտնում ցարին, որն ընդունում է նրանց բողոքը և արգելում Էջմիածնի եպիսկոպոսների մուտքը Ռուսաստան: Ստեղծված իրավիճակից օգտվելով՝ Գանձասարի կաթողիկոսությունը փորձեց իր դիրքերն ամրապնդել Ռուսաստանի հայկական գաղթօջախներում: Իսկ դրան խթանում էր այն հանգամանքը, որ ռուսահայ թեմերի առաջնորդը հենց Գանձասարի կաթողիկոսության եպիսկոպոս էր:

Գանձասարի աթոռը ամեն ինչ անում էր, որպեսզի թուլացներ Մայր Աթոռի դիրքերը Ռուսաստանում. «...որոնք ուղղակի Մայր Աթոռի ջլաքմանն էին ծառայում, նա այնպիսի իրավունքներ էր շնորհել իր նուիրակին, որ նա խրոխտում էր Ս. Էջմիածնի նուիրակների վերայ...»⁴ : Փաստորեն նկատելի է դառնում, որ Գանձասարի կաթողիկոսությունը ամբողջությամբ իր իշխանության ներքո վերցրեց ռուսահայ գաղութների հոգևոր կյանքը, չնայած Էջմիածինը փորձում էր ամեն կերպ վերահասարակել իր կորցրած դիրքը Ռուսաստանի թեմի նկատմամբ: Այս վիճակը ձգվեց մոտ 20 տարի:

Առաջին լուրջ քայլերը ռուսական արքունիքի հեղափոխություններ ձեռնարկելով՝ կատարեց Ամենայն հայոց Կաթողիկոս Սիմեոն Ա. Երևանցին: Բարձրանալով կաթողիկոսական գահին՝ նա լավ էր ըմբռնում իր պաշտոնի կարևորությունը: Սիմեոն Երևանցին քաջ գիտակցում էր, թե Եկեղեցին ինչ կարևոր դերակատարում ունի հայ ժողովրդի ազգապահպանման գործում: Դրա համար նա ամեն ինչ անում էր, որպեսզի Էջմիածինը դառնար համայն հայության հոգևոր և աննկարելիոր՝ ազգային-ազատագրական շարժման կենտրոն: Երևանցին 1766 թ. Մայր Աթոռում եպիսկոպոսների ժողով է գումարում: Ժողովի մասնակիցները Վեհափառի գլխավորությամբ որոշում են նամակ գրել կայսրուհի Եկատերինա II-ին. «Բանգի գրեաց զթողթ առ Քրիստոսասէր թագաւորն Ռուսաց Կայսրիւնէ և յԱստուածապահ որդին իւր Պաւ Պելպրիչն: Օրհնելով զթագաւորութիւն նոցին և ծանուցանելով զորպիսութիւն և զիշխանութիւն Սրբոյ Աթոռոյս և սորին աթոռակալաց և զհնազանդութիւն ամենայն ազգիս հայոց, որք ցանուցիր զով ընդ ամենայն երկիր, յամենայն սրբէ պահեն զհնազանդութիւն իւրեանց Աթոռոյս Սրբոյն Գրիգորի և սորին աթոռակալաց: Եւ ապա զանգապ զժողովրդոցն հայոց որք ի նորին իշխանութեան, թէ յառաջագոյն հնազանդք էին Սրբոյ Աթոռոյս կարգիւր և այժմ ԺԷ. ամ է, որք ի մենջ ապստամբեցեալք զմն ապստամբ սեւագլուխ առանց հրամանաց հայրապետացն մերոց նստուցին իւրեանց առաջնորդ և հռչակեցին թէ՛ հրամանաւ թագաւորին է. և մեր զսորին իրան և սուրն ո՛չ գիտեմք և մանաւանդ՝ չեմք գիտակ վարուց և հաւաքոց նորին. զի թէ ժողովուրդքն հնազանդէին սրբոյ Աթոռոյս և մեզ, ապա առաջնորդն զպիտոթեամբ մերով նստել և գիտեմք զինչ հաւաք ունիլն նորին և կամ ինքեանք և առաջնորդն իւրեանց գրէին մեզ զթողթ և զօրհնութիւնս մեր խնդրէին: Ծանուցանելով և զնուիրակին ո՛չ ընդունիլն և զբազումս ըստ սոցին բանս: Եւ ապա խնդրելով՝ զի հանցէ զհրաման յամենայն իշխանութիւնս իւր, զի ժողովուրդքն հայոց Սրբոյ Աթոռոյս

4 «Դիւան հայոց պարմութեան», գիրք Գ., Սիմեոն Կաթողիկոսի Յիշարակարանը, Թիֆլիս, 1894, էջ ԸԴԴ:

հնազանդեցին հոգևորապես և ծառայեցին, և եպիսկոպոսն նոցին ի Սրբոյ Աթոռոյս կարգեցի որպէս յառաջն էր: Եւ յոյժ թախանձանօք խնդրեաց շնորհել զհրամանագիր այսր աղագաւ»⁵: Սիմեոն Երեւանցին նամակում օրհնում էր թագուհու և թագաժառանգ Պապկի թագավորությունը: Կաթողիկոսը նամակում նաև կայսրուհուն հայրնում է «Նաշարախանի»⁶ հայերի վար վերաբերմունքի մասին դեպի Էջմիածինը: Վեհափառ Նայրապետը հայրնում է նաև, որ ռուսահայերը առանց Մայր Աթոռի թույլտվության իրենց առաջնորդ են ընտրել և պնդում են, որ այդ առաջնորդը ընտրվել է ցարի հրամանով և հակառակ Էջմիածնի կամքին, իր կողմից ուղարկված բոլոր նվիրակներին չեն ընդունում: Որպեսզի վերջ տրվի այդ խառնիճադանջ վիճակին, Սիմեոն Երեւանցին նամակում խնդրում է կայսրուհուն հրաման արձակել, որպեսզի Ռուսաստանի փարաժքում բնակվող բոլոր հայերը իրենց հոգևոր կենտրոն ընդունեն Մայր Աթոռ Ս. Էջմիածինը, և Ռուսաստանի թեմերի առաջնորդը նշանակվի Էջմիածնի Կաթողիկոսի կողմից: Ի նշան Տայ և Ռուս եկեղեցիների հոգևոր բարեկամության՝ Կաթողիկոսը նամակի հետ թանկարժեք նվերներ է ուղարկում Եկատերինա II կայսրուհուն. «...Նայրապետը այդ թղթի հետ ընծա ուղարկեց թագուհուն Ս. Կայրապետի, Ս. Հռիփսիմէ կոյսի, Ս. Գեորգ զօրավարի նշխարների և Նոյեան փապանի մի մասը...»⁷: Կաթողիկոսը հրամայում է թանկարժեք նվերները դնել արծաթյա փուփի մեջ, իր կաթողիկոսական կնիքով կնքում է և Դավիթ վարդապետի հետ ուղարկում Ռուսաստան: Որպեսզի իր ուղարկած պատրգամավորությունը հաջողություն ունենա Ռուսաստանում, Սիմեոն Երեւանցին փորձում է կապ հաստատել Ռուսաստանում բնակվող երեսկի հայերի հետ, որոնք եղումուր ունեին ցարական արքունիք: Կաթողիկոսը նամակ է գրում նաև Մովսես անունով մի հայի, որ առաջին շերամագործն էր ռուսական կայսրությունում և շատ մարերիմ էր ցարական արքունիքի հետ:

Մովսեսը Աստապատ գյուղից էր և գնալով Ռուսաստան՝ իր հետ տանում է նաև թղթն ու սերմ: Թղթնին աճեցնելուց հետո նա սկսում է զբաղվել շերամապահությամբ: Եւ երբ այդ լուրը հասնում է ցարին, վերջինս շատ է ուրախանում, բանի որ մինչ դա շերամագործությունը հայրնի չէր Ռուսաստանում: Որպեսզի Մովսեսը հաջողությամբ շարունակի իր սկսած գործը, ցարի հրամանով նրան մի մեծ գյուղ են նվեր տալիս՝ շերամապահության արհեստը զարգացնելու համար:

Սիմեոն Երեւանցին Մովսեսին ուղարկված իր նամակում խնդրում էր, որպեսզի իր կողմից ուղարկված պատվիրակին ամեն կերպ օգտակար լինի. «Այր ռմն աստապատեցի Մովսես անունը, յաննշան ազգէ, գնացեալ յերկիրն Ռուսաց կացեալ էր անդ ժամանակս ինչ: Ապա գտերմն թոյ փարեալ անդ՝ ցանեալ էր և ի բուսանիլն արկեալ էր ի նա գործն ապրիշումի և գապրիշումն գոյացեալ, առեալ փարեալ էր ընծայ մեծի արքային Ռուսաց, որ մինչև ցայժմ յերկրէ նորին չկաներ ապրիշում: Եւ թագաւորին Ռուսաց փեսեալ գայն, ուրախացեալ էր յոյժ և բարձրացուցեալ գնա ի մեծագոյն փառս, արարեալ

5 «Սիմեոն կաթողիկոսի Յիշարակարանը», էջ 498:

6 Անդ, էջ ԾԻԶ:

7 Անդ, էջ ԾԻԵ:

էր համապատասխանում նախարարացն իւրոց և փոխադրել էր նմա զգեօղ և զոտհաթ, հոգալ անդ զկամացն զապրիշումն: Եւ էր նա այժմ սիրեցեալ յոյժ յաջա թագաւորին և խօսք նորին առաջի նորա ընդունելի էր յոյժ: Նմա եւս փեղեկացեալ զվիճոցն, որք անդէն գոյին ի Նաշտարիան և զպաղտութիւն սրբից ժողովրդեան փեղտոյն առ Սուրբ Աթոռս, գրեալ էր առ սրբազան Վեհրն ցաւակօրէն զգիր, և զորպիսութիւնս իւր ծանուցեալ և խնդրեալ էր գրել առ նա զթողթ. Վասն որոյ և սրբազան Վեհրն գրեաց առ նա զթողթ մի ի պապասխանի թղթոյն, ուրախանալով ընդ յառաջադիմութիւնն: Եւ ընդ սրբացաւորիւնն առ ազգս փարագրեալ և ընդ գոլն հաստատարուն ի սուրբ հաւաքս մեր և ընդ սէրն՝ որ առ Սուրբ Աթոռս: Եւ օրհնութիւն բազում և պապութիւն նմին, նախապէս մնալ հարազատ առ օրհնեալ Թագաւորութիւնն Ռուսաց, որով զօրացեալ էր: Երկրորդ՝ մնալ անշեղ ի Սուրբ հաւաքս մեր: Երրորդ՝ ունիլ զսէրն և զհարազատութիւնն առ Սուրբ Աթոռս մշտապէս: Եւ յանձնարարութիւն վասն նուիրակին և Դաւիթ վարդապետին խնդրելով ջանալ վտարով ԳԴաւիթ վարդապետն դարձուցանել. զի ամենայն խնդիրքն թոյ, ասէ, յայնժամ կապարեցին. զի նա եւս էր գրեալ սրբացաւորէն զանցից փեղտոյն և զվիճոցն, որք էին ի մէջ նուիրակին փեղականացն, որոյ աղագաւ խնդրեալ եւս էր զայն առնել՝ զոր ինչքան զայս յառաջ սրբազան Վեհրն արարեալ իսկ էր ի ձեռն Դաւիթ վարդապետին (որպէս ասացեալ եղև ի յօգ. Գ.) ծանոյց եւս թէ՝ ասելիք և խորհելիք գոն ընդ թեզ նուիրակին, զի գրեաց նուիրակին՝ զի թէ պապշաճ փեղցն, բացցն նմա զխորհուրդն, որ ի ձեռն Դաւիթ վարդապետին, զի և նա նպաստ լիցի»⁸:

Նայրապետը նամակներ է գրում Ռուսաստանում ապրող այլ երեսելի հայերի նույնպէս: Միմեռն Երեսնացու ջանքերը Ռուսաստան ուղարկված պապովորակության առումով հաջողությամբ պսակվեցին: Դավիթ վարդապետը մեծ ընդունելության արժանացավ Ռուսաստանում: Կայսրուհի Եկատերինա II-ը ջերմությամբ է ընդունում Կաթողիկոսի ուղարկված նամակը և թանկարժեք նվերները: Ծանոթանալով Վեհափառի նամակի բովանդակությանը՝ կայսրուհին հրամայում է, որ հրովարտակ պապրաստեն: Նրովարտակը գրվում է մագաղաթի վրա ոսկե փառերով: Կայսրուհու հրամանով պապրաստվում է նաև մագաղաթի հայերեն թարգմանությամբ փաթեթակը: Այդ երկու մագաղաթները կնքվում են կայսերական կնիքով: Նրովարտակը այլ թանկարժեք նվերների հետ, ի նշան կայսերական բարեհաճության, Դավիթ վարդապետի միջոցով ուղարկվում է Ամենայն Նայոց Նայրապետին: Նրովարտակում գրված էր, որ կայսրուհին հրամայում է, որ Ռուսաստանի փարածքում ապրող բոլոր հայերը ենթարկվելու են Ամենայն Նայոց Կաթողիկոսին, և Էջմիածնի Կաթողիկոսի հրամանով թեմերի առաջնորդներ կնշանակվեն: Նարկ ենք համարում մեջբերել կայսրուհու հրամանով գրված հրովարտակն ամբողջությամբ. «Ամենապատուելի պապրիարգ Միմեռնին և միւս բոլոր պապուելի իզբաշիններին, կառավարիչներին և բոլոր պապուելի Նայոց ազգին մեր կայսերական ողորմութիւն և ողջոյն: Յայտնում ենք մեր այս ողորմութեան հրովարտակով, թէ Ամենայն Նայոց Միմեռն պապրիարգը, որ բնակվում է Մեծ Նայաստանի Վաղարշապատ քաղաքում, իւր

⁸ «Միմեռն կաթողիկոսի Յիշարակարանը», էջ 685-687:

պարզամտոր Դաւիթ վարդապետի հետ ուղարկել էր արքայանիստ Մոսկով քաղաքը մի թուղթ, որով ամենախոնարհաբար խնդրում էր մեզանից, որ շնորհենք նորան Մեր Կայսերական Բարձրագոյն Հրովարտակը՝ պահելու Աթոռանիստ եկեղեցում իբրև յաւիտենական յիշարակ Մեր ողորմութեան և բարեհաճութեան, և ինչպէս որ սորանից առաջ Մեր մեծ նախնիքը՝ յաւիտենական փառքի արժանաւոր Մեծ Պապոս կայսրը և կայսրուհի Եկատերինէ Ալէքսէնան բարեհաճեցին հայոց հաւարարիմ ազգը քրիստոնէութեան համար՝ իւրեանց կայսերական ողորմութեան ներքոյ պահպանել (որ ցոյց են տալիս և 1724 ու 1726 թուականներին, այն ժամանակուան Եսայի և Ներսէս) պարիարգների, իզբաշիների և կառավարիչների և բոլոր պարուելի հայոց ազգի անունով նոցա փութած թղթեր). նոյնպէս և Մենք հետևելով Մեր յիշեալ Բարձրագոյն Նախնիքներին՝ բարեհաճում ենք նոյնպէս թէ ներկայ ամենապարուելի Սիմէոն Պարիարգին և թէ նորա պարիարգական Աթոռի յաջորդներին, նոյնպէս և իզբաշիներին և կառավարիչներին և բոլոր հաւարարիմ Հայոց ազգը պահպանել մեր կայսերական ողորմութեան և շնորհաց ներքոյ: Նոյնպէս բարեհաճում ենք որ Մեր՝ Ռուսաց կայսրութեան երկրում բնակուող Հայ ժողովուրդը պաշտէ իր դաւանութիւնը իր հոգևորական կանոններով և եկեղեցական կարգերով յիշեալ Սիմէոն Պարիարգի և նորա պարիարգական Աթոռի յաջորդների իրաւասութեան ներքոյ, ինչպէս որ սորանից առաջ էր. և երբ նոքա կը պահանջեն ուղարկել նոցա համար հայոց արքեպիսկոպոսներ կամ ուրիշ հոգևորական պաշտօնեայ՝ Պարիարգի գրավոր վկայութեամբ, առանց որի չեն ընդունուի մեր Տէրութեան մէջ, որի համար և հրամանագիրներ փութեցան մեզանից Մեր սահմանի կառավարիչներին: Այլ և յուսադրում ենք բոլորովին յիշեալ Սիմէոն Պարիարգին պարուելի իզբաշիներին և կառավարիչներին և բոլոր հայկազանց, առանկապէս Մեր Ռուսաց Կայսրութեան հովանաւորութեան փակ ապրողներին, պահել նոցա Մեր Բարձրագոյն Կայսերական ողորմութեան և հովանաւորութեան ներքոյ: Եւ ընդ նմին յայտնում ենք, թէ Սուրբ Կարապետի և Տիրոջ Մկրտչի, Սուրբ կոյս Հովսէփմէի, մեծ նահապետ Սուրբ Գեորգի նշխարները, այլ և Նոյեան փապանի մասը, որոնք ուղարկուած էին Մեզ Սիմէոն Պարիարգից Դաւիթ վարդապետի ձեռքով, ընդունեցինք Մեր առանձին բարեհաճութեամբ. և յիշեալ Դաւիթ վարդապետին յետ դարձրինք Հայրապետական Աթոռը Մեր այս Կայսերական հրովարտակով, յուսաւով, թէ կարող է նա բերանացի ևս յայտնել բոլոր հաւարարիմ հայ ազգին Մեր՝ դէպի նա Կայսերական ողորմութիւնը և շնորհքը, որով մնում ենք և մենք: Տուա մեր արքայանիստ Սանկտ Պետրբուրգ քաղաքում կնքած Մեր թագաւորական մեծ կնիքով: Յուլիսի 30-ին 1768 թուին»⁹:

Այսպիսով, Եկատերինա II կայսրուհու անմիջական օժանդակությամբ Էջմիածինը կարողացավ վերականգնել իր խաթարված դիրքերը Ռուսաստանում: Սիմէոն Երևանցին՝ իբրև շնորհակալություն, ցարական ընտանիքի համար գրեց մի մաղթանք: Կաթողիկոս մաղթանքի ձևը վերցրեց ոչ թե հայկական աղոթքներից և հոգևոր երգերից, այլ ինքը հորինեց. «...Սիմէոն ինքնին «Ամենահօգոր Աստուած» սկսածով երեք փուն շարա-

9 «Մեղու Հայաստանի», 1858, թ. 45, էջ 356:

կան մը շինած է, և «Օրինեալ ևս, Նայր ամենակալ» աղօթք մըն ալ յօրինած, «Եւ արդ մեր» հանգիստով: Անոնց վրայ անկցուցած է ի Սողոմոնէ 7 տուն, Առակէ, Եսայիէ, Պնպրոսէ և Պօղոսէ, և Մարթէոսի անտառանէն ընթերցուածներ, և անդաստանի ձեռով քննադատութեան ու Պահպանեալ ու Նայր մեր»¹⁰: Կայսերական այս մաղթանքը կիրառության մեջ էր ռուսական կայսրության բոլոր եկեղեցիներում մինչև 1917 թ. բոլշևիկյան հեղափոխությունը: Կայսերական ընդանիքին նվիրված մաղթանքը առաջին անգամ քաղաքովում է 1771 թ. Սիմեոն Երևանցու հիմնադրած Էջմիածինի քաղաքում:

Սիմեոն Երևանցու գործադրած ջանքերը Մայր Աթոռի դերը ռուսական կայսրությունում ապրող հայերի վրա փարածելու ուղղությամբ վերջնականապես պսակվեցին հաջողությամբ: Վերջ դրվեց այն խնդրին, որը փասնյաթ փարի մտահոգում էր Էջմիածնի կաթողիկոսներին: Անշուշտ մեծ փառքի է արժանի Սիմեոն Երևանցին, որ իր խոհեմ և հետադարձ կրթական և քաղաքական գործունեությամբ կարողացավ բարձրացնել Մայր Աթոռի դերն ու նշանակությունը և դրա միջոցով նա ճանապարհի հարթեց հետագայում հայ-ռուսական հարաբերությունների խորացմանը: Սիմեոն Երևանցին իրագործեց այն գաղափարը, որի համար մինչ այդ մաքառում էր Իսրայել Օրին. այն է՝ բարիդրացիական հարաբերություններ հաստատել օրոսպօրե հզորացող ռուսական կայսրության հետ և նրա օժանդակությամբ ազատագրել հայրենիքը այլադավանների անտանելի լծից: Եւ նրան հաջողվեց իրագործել այդ վաղեմի գաղափարը: Սիմեոն Երևանցի Կաթողիկոսը կարողացավ լուրջ հարաբերություններ հաստատել ցարական արքունիքի հետ. «Այնուհետև արդեն Ռուսաց արքունիքն ու նախարարները սկսում են մերձ յարաբերություններ Ս. Էջմիածնի Կաթողիկոսի հետ...»¹¹:

10 Մաղաքիա արքեպ. Օրմանեան, Ազգապարտում, հայր. Ա., մասն Ա., Բ. քաղաքություն, Պէքրութ, 1959, էջ 912:

11 «Սիմեոն Կաթողիկոսի Յիշարակարանը», էջ 6ԼԲ: